

ՁԱՅՆԱՎՈՐ ԵՎ ԲԱՂԱՋԱՅՆ ՀՆՉՈՒՅԹՆԵՐԸ ԳՈՐԻՍԻ ԲԱՐԲԱՌՈՒՄ

Ա.Յու.Սարգսյան

Գորիսի բարբառը հայերենի կենսունակ բարբառներից է, որով հաղորդակցվում են ՀՀ Սյունիքի մարզի Գորիսի շրջանում, ինչպես նաև հարևան՝ Սիսիանի և Ղափանի շրջանների սահմանամերձ գյուղերում¹:

Լինելով խիստ տեղայնացված բարբառ՝ այն գտնվում է որոշակի աշխարհագրական միջավայրում, որը համընկնում է պատմական Սյունյաց նահանգի Հաբանդ գավառին՝ ներառելով նաև մերձակա Ծղուկ(ք) և Բաղք գավառներին պատկանող մի շարք բնակավայրեր²:

Ըստ Գ.Զահուկյանի բազմահատկանիշ-վիճակագրական դասակարգման՝ Գորիսը Ղարաբաղի բարբառի կենտրոնից բարբառային սահմաններ գծող տարբերություններ չի ներկայացնում (ընդամենը 11 տարբերակիչ հատկանիշ) և դասվում է վերջինիս խոսվածքների շարքին³, իսկ որոշ լեզվաբանների կարծիքով՝ այն ինքնուրույն բարբառ է⁴:

Բարբառի մասին առաջին հիշատակությունը թողել է 8-րդ դարի քերական Ստեփանոս Սյունեցին՝ «*Եւ դարձեալ զքո լեզուիդ զիտելն զբովանդակ բառսն զնկերականս, որպէս զկործայն և զՏայեցին և զնութայինն և զՉորրորդ Հայեցին և զՍպերացին և զՍիւնին և զԱրցախայինն. այլ մի՛ միայն զՄիջերկրնայսն և զՈստանիկսն, վասն զի պիտանիք այսորիկ են ի տաղաչափութեան. այլ եւ ազտակարք ի պատմութիւնս, զի մի վրիպեացի անընդել գոլով լեզուացն*»⁵, ինչն էլ վկայում է, որ բարբառը խոր հնություն ունի և դարերի ընթացքում ներքին զարգացմամբ ու այլ բարբառների և լեզուների հետ շփման հետևանքով ձեռք է բերել հնչյունական, քերականական տարբեր օրինաչափություններ և հարուստ բառապաշար:

Գորիսի բարբառում գործածական է 41 հնչյուն, որից 9-ը՝ ձայնավոր, 32-ը՝ բաղաձայն⁶:

Ձայնավոր հնչյուններն են *ա, զ, ու, ձ, օ, ու, է, ի, ք*:

Ա, ու, օ, է, ի, ք ձայնավորները, ինչպես ժամանակակից հայերենում, բարբառում ևս անկախ հնչյուններ են, քանի որ հանդես են գալիս բառի բոլոր դիրքերում, բաց և փակ, շեշտակիր և շեշտագուրկ վանկերում, գրաբարից ավանդված, բարբառային ու փոխառյալ բառերում և միմյանց հետ կարող են կազմել հակադրական զույգեր:

զ, ձ, ու-Յ գրական հայերենի *ա, ու, օ* ձայնավորների քմային տարբերակներն են և նույնպես ունեն գործածության լայն շրջանակներ. հանդիպում են տարբեր դիրքերում, բնիկ և փոխառյալ բառերում: Հնչյութաբանական մակարդակում այս հնչյունները իմաստային հակադրության զույգեր են կազմում ինչպես մյուս ձայնավորների, այնպես էլ՝ միմյանց հետ, ինչպես՝ *Կ՞Յ* (գալ) – *ԿձՅ* (գայ), *դ՞Յ* (վիշտ) – *դձՅ* (մրուր), *շ՞Յ* (1. անխելք, 2. շեղ, շիւ) – *շձՅ* (ընծյուղ), *հձՅ* (*հձՅ անել*- թույլ տալ) – *հձՅ* (ուլ), *գձՅ* (վարդ) – *գձՅ* (լճակ):

Սակայն *զ, ձ, ու*-Հ հնչյութայնությունը ի վերջո հաստատվում է ամենամերձավոր հնչյունների՝ *ա, օ, ու*-ի հետ ունեցած հակադրություններով՝ *լ՞Յ* (լալ) – *լալ* (տեղատարափ անձրև), *պ՞Յ* (թոնրի պատ) – *պալ* (պատ), *վ՞Յ* (1. հետք, 2. շարք) – *վալ* (վար), *տ՞Յ* (1. հաց՝ լավաշ թխելու հարմարանք, 2. փոքրիկ հյուղակ, 3. օրորոցում երեխայի տակ դրվող բարձիկ) – *տալ* (զնտին, հանդամաս), *կձՅ* (զով) – *կուլ* (ումպ), *տձՅ* (պարեղանակ) – *տուլ* (թանաք), *շձՅ* (հագուստ, շոր) – *շոր* (շոռ, լոռ), *ծձՅ* (ծոր) – *ծոր* (ծորալը), *տձՅ* (դոդ) – *տոլ* (ուղիղ շարք՝ տող), *ն՞Յ* (փշացած) – *որան* (կանխագագում):

Չնայած *զ-ա, ձ-ու, ո-օ* հակադրություն առկա է հիմնականում շեշտակիր փակ վանկում (միավանկ բառերում), այնուամենայնիվ, դատելով բերված նվազագույն զույգերից, քմային այդ ձայնավորները կարելի է համարել անկախ հնչյուններ:

Հարկ է նշել նաև, որ բարբառի որոշ խոսվածքներում հատուկենտ բառերի մեջ գործածական է *ք* և *է* հնչյունների միջին աստիճանը ներկայացնող *ք՞* երկբարբառակերպը՝ *մք՞ս*, *վք՞տ*, *ծք՞մք՞նք*, *տք՞սնալ*, որը, սակայն, չհակադրվելով ամենամերձավոր՝ *ք* և *է* ձայնավորներին, հանդես է գալիս որպես վերջիններիս արտասանական տարբերակ:

Բաղաձայն հնչյունները ներկայանում են հետևյալ շարքերով. ձայնեղ պայթականներ և կիսաշփականներ՝ **բ, գ, գ', դ, ձ, ջ**, խուլ պայթականներ և կիսաշփականներ՝ **պ, կ, կ', տ, ծ, ճ**, շնչեղ խուլ պայթականներ և կիսաշփականներ՝ **փ, ք, ք', թ, ց, չ**, ձայնեղ շփականներ՝ **վ, զ, ժ, ղ**, խուլ շփականներ՝ **ս, շ, խ, հ**, ձայնորդներ՝ **մ, ն, ռ, ռ', լ, յ**:

Հայ բարբառների հնչյունական միահատկանիշ դասակարգմամբ Գորիսի բարբառը պետք է դասել առաջին տեղաշարժի ենթարկված (երկաստիճան ձայնեղագուրկ) բարբառների շարքին: Սակայն, ընդհանուր առմամբ, ձայնեղները խորթ չեն բարբառի խոսվածքներին և հանդիպում են.

ա) գրաբարից ավանդված և բարբառային մի շարք բառերի բառասկզբի դիրքում՝ **բրիխլալ, բուդուքավեր, գ'իդ³լ, գ'ձւլ³, գրդրլ, դադ, դիլ³րէլ, դրեհ,**

բ) **մ** և **ն** ձայնորդներից հետո՝ **ամբար/անբար, շամբ, սէկտէնբեր, բ³նզի, թանգ, ժ³ո³նզ, թանձր, խրնձնր, պրդինձ, պէնջ³ր, խօնջան,**

գ) բնաձայնական բառերում՝ **բրդբրդալ, բրլբրլալ, գրդգրդալ, դրդդրալ, դրդրնգդրդրնգալ, կրնձկօնձալ,**

դ) փոխառյալ բառերում՝ **բայդուշ, աբուռ, բձւլձւ, գ'ի³դ³, գէջդանգէջ, գալուստիկ, դաշնիկ, դ³վթ³ր, ջ³դձւ, աջրլ, ջօլուբ:**

Ձբաղաձայնի համար բացառված է բառասկզբի դիրքը:

Պայթականները և կիսաշփականները հնչույթաբանական մակարդակում հակադրվում են **ձայննդություն - ոչ ձայննդություն** և **շնչնդություն - ոչ շնչնդություն** հատկանիշներով: Առաջին հատկանիշով ձայնեղները հակադրվում են պարզ և շնչեղ խուլներին՝ **բրլբրլալ** (բլբլալ) - **պրլպրլալ** (փայլփլլ), **բար** (պտուղ) - **փար** (ճախարակի թելերը միացնող առասան), **գազ** (գազ) - **կազ** (մետաքսաթել), **գրդգրդալ** (գոգուր) - **քրքրդալ** (բարձրաձայն ծիծաղել), **դադ** (խարան) - **տադ** (տաղերգ), **դալ** (անասունի առաջին կաթը) - **թալ** (վայրի բանջարի տեսակ), **ջան** (հոգի) - **չան** (հեղուկ պահելու մետաղյա մեծ տարա, ավազան), **հունձ** (հունձ) - **հունց** (**հունց տալ** - հունցել):

Երկրորդ հատկանիշով շնչեղ խուլները հակադրվում են խուլներին՝ **փօղ** (դրամ) - **պօղ** (շիկացած ածուխ), **փառ** (բարակ թաղանթ) - **պառ** (բառ), **քարէլ** (քարով սալահատակել) - **կարէլ** (կարել), **քիքէլ** (քերել) - **կիքէլ** (գրել), **թանգ** (թանկ) - **տանգ** (տոպրակի կանթ, ունկ), **թակ** (որևէ բան ծնծելու փայտե գործիք) - **տակ** (ծալք), **ցաք** (փշոտ թուփ) - **ծաք** (ծագ), **ցրրտէլ** (ցուրտն ընկնել) - **ծրրտէլ** (ծրտել), **չար** (չարածճի) - **ճար** (դնդ, հնար, միջոց), **չախ** (ժամանակ) - **ճախ** (ցախ):

Ինչպես երևում է նշված հակադրական գույգներից, բարբառում գրական հայերենին համապատասխանող բոլոր պայթականները և կիսաշփականները անկախ հնչույթներ են:

Ք, կ', ք' բաղաձայնները, որոնք **գ, կ, ք** հնչյունների քմային ձևերն են, գործածվում են բնիկ և փոխառյալ բառերում՝ բառասկզբում և բառամիջում: Հնչույթաբանական մակարդակում դրանք կարող են վերոհիշյալ հատկանիշներով հակադրվել մյուս պայթականներին և կիսաշփականներին, ինչպես նաև՝ իրար՝ **գ'ձւլ** (վարդ) - **կ'ձւլ** (գայլ) - **ք'ձւլ** (մոխիր), **ք'լ** (արու գոմէշ) - **կ'լ** (գալ): Այս հնչյունների հնչույթային արժեքը առավել հաստատվում է ամենամերձավոր՝ **գ, կ, ք** հնչույթների հետ կազմած նվազագույն գույգերով, ինչպես՝ **գ'ազ** (**գ'ազ անց կըցընէլ** - կովի ստերջ մնալը) - **գազ** (գազ), **գ'նլ** (լճակ) - **գօլ** (լսփված գնդակը), **կ'նրծ** (գործվածք, հյուսվածք) - **կօրծ** (1.գործ, 2.անասունի կուրծք), **կ'նրծէլ** (գործել, հյուսել) - **կօրծել** (կրծել), **կ'էնալ** (հագնել) - **կէնալ** (մնալ), **ք'իցէլ** (զգնել) - **քիցէլ** (1.սփռել, 2. շփել), **ք'ր** (օգուտ) - **քար** (քար), **ք'լ³** (զանգ, գլուխ) - **ք³լ³** (ցուլ):

Շփական բաղաձայնները բարբառում նույնպես ունեն լայն գործածություն. դրանք հանդիպում են բառի տարբեր դիրքերում, բնիկ և փոխառյալ բառերում՝ հնչույթաբանական մակարդակում հակադրվելով երկու հատկանիշով և ներկայանալով որպես անկախ հնչույթներ:

Ձայննդություն - խլություն հատկանիշով հակադրվում են **ս** և **զ, շ** և **ժ, ղ** և **խ** բաղաձայնները՝ **սօկ** (հյուր) - **զօկ** (ազուլիսցիների մականունը), **խօտալ ա** (խոսել է) - **խօզալ ա** (խուզել է), **խաւ** (1.անխառն, մաքուր, 2. բամբակե նուրբ գործվածք) - **խազ** (զիծ), **շամ** (մում) - **ժամ** (եկեղեցի), **վըշօց** (վշտօց) - **վըժօց** (վժոց), **օշ** (ուշք) - **օժ** (ուծ), **ղօրթ** (ճիշտ) - **խօրթ** (խորթ), **խախալ** (խոշոր անցքերով մաղ) - **խաղալ** (խաղալ), **կաղ** (կաղ) - **կախ** (կախված):

Սուլականություն - շչականություն հատկանիշով հակադրության նվազագույն գույգեր են կազմում **ս** և **շ, գ** և **ժ** շփականները՝ **սար** (սար) - **շար** (շարք), **հաստ** (հաստ) - **հաշտ** (հաշտ), **փօս** (փոս) - **փօշ** (փուշ), **զ³նզ** (զանգ) - **ժ³նզ** (ժանգ), **վըզվըզալ** (վզվզալ) - **վըժվըժալ** (վժվժալ), **վըճզ** (վզզալու ձայնը) - **վըժճ** (վժժալու ձայնը):

Կոկորդային շփական **հ**-ն շփականների համակարգում առանձնանում է որպես միայնակ բաղաձայն: Նրա հնչույթայնությունը որոշվում է մյուս շփականների հետ հակադրության գույզեր կազմելու հնարավորությամբ՝ **հարել** (հարել) – **վարել** (վարել), **հլռ** (կենդանիներին զրգռելու ձայն) – **զլռ** (շատ մեծ, հսկա), **հօ՞ր** (1. ու՞ր, 2. ինչու՞) – **խօր** (խոր) – **սօր** (սուր) – **շօր** (շոռ, լոռ), **հաւ** (համ) – **ժաւ** (եկեղեցի), **հազ** (հագ) – **ղազ** (սագ), **մահ** (մահ) – **մաղ** (մաղ), **մըհակ** (մահակ) – **մըղակ** (դուռ):

Մյուս կողմից՝ **հ**-ն կարող է հակադրվել զրո հնչույթին՝ **հայ** (հայ) – **այ** (ուրախության, զարմանքի բացականչություն), **հալ** (վիճակ) – **ալ** (1. այլևս, 2. ևս, նույնպես), **հօ՞ր** (1. ու՞ր, 2. ինչու՞) – **օր** (օր):

Շրթնատամնային **վ** շփականի հնչույթային արժեքը ժամանակակից հայերենում որոշվում է **ֆ** շրթնատամնայինի հետ կազմած հակադրության գույզերով: Գորիսի բարբառում **ֆ** շփականի բացակայության պատճառով **վ**-ն նույնպես առանձնանում է որպես միայնակ բաղաձայն: Սակայն այն հակադրության մեջ է մտնում մի կողմից մյուս շփականների, մյուս կողմից՝ **ֆ**-ին փոխարինող **փ** շնչեղ խուլի հետ՝ վերջինիս հակադրվելով **ձայննդություն-խլություն** հատկանիշով, ինչն էլ հիմք է տալիս ասելու, որ **վ**-ն ևս անկախ հնչույթ է՝ **վազ** (վազելը) – **ղազ** (սագ)-**սազ** (1. նրաժշտական գործիք, 2. հարմար) – **խազ** (գիծ) – **հազ** (հագ), **վար** (վար) – **շար** (շարք), **վօռ** (հետույք) – **զօռ** (գործություն), **կօլ** (կով) – **կօժ** (կուժ), **վրշօց** (վշշալու ձայն) – **փրշօց** (փշշալու ձայն), **վօղ** (հող) – **փօղ** (դրամ), **վեշ** (ուղեբեռ) – **փեշ** (քղանցք):

Ձայնորդները, բացառությամբ **ր**-ի, գործառնում են բառի բոլոր դիրքերում:

Լ-ի համար բացառված է բառասկզբի դիրքը, թերևս կարելի է նշել **բօսալ** բառը: **Ռ**-ն բառասկզբում նույնպես հանդիպում է ոչ հաճախակի՝ հիմնականում փոխառյալ բառերում՝ **ռադյօ**, **ռիզին**, **ռիսկ**, **ռահմ**, **ռրհաթ**, **ռուշվաթ** և այլն:

Այնուամենայնիվ, **ր**-ն և **ռ**-ն անկախ հնչույթներ են. դրանք կարող են հակադրվել իրար բառամիջում և բառավերջում, ինչպես՝ **սարել** (լարել) – **սառել** (սառչել), **վառել** (այրել) – **վարել** (վարել), **տար** (տնր) – **տառ** (տառ), **սէր** (սեր) – **սէռ** (սայր):

Յ-ի հնչույթայնությունը որոշվում է **հ**-ի հետ կազմած հակադրության գույզերով՝ **յղէ** (հղի) – **հղէ** (ճանապարհ), **յէտ** (նտ) – **հէտ** (անգամ), **յալ** (բաշ) – **հալ** (վիճակ):

Մ և **ն** ռնգային ձայնորդները հնչույթաբանական մակարդակում հակադրվում են իրար՝ կազմելով հակադրության նվազագույն գույզեր՝ **մօր** (մուր) – **նօր** (նոր), **խաւ** (1. անփորձ, 2. անմշակ) – **խան** (իշխան, մեծավոր), **ղաւ** (շունչ) – **ղան** (հացահատիկ), իսկ **լ**-ի հնչույթային արժեքը հաստատվում է **ղ** շփականի հետ ունեցած հակադրությամբ՝ **լաւ** (տեղատարափ անձրև) – **ղաւ** (աբեր), **բօլ** (1. թուփ, 2. անտառ) – **քօղ** (քուղ), **հալալ** (1. անաղարտ, 2. հարազատ) – **հաղալ** (խաղալ):

Այսպիսով, ամփոփելով շարադրվածը, կարելի է ասել, որ Գորիսի բարբառում գործածվող **ա, Յ, ու, ձ, օ, ն, է, ի, ը** ձայնավորները և **բ, ա, փ, գ, կ, թ, գ, կ, ք, դ, ղ, տ, թ, ձ, ծ, ջ, ճ, չ, զ, ս, ժ, շ, ղ, խ, հ, վ, յ, ռ, ռ, մ, ն, լ** բաղաձայններն անկախ հնչույթներ են:

Ծանոթագրություններ

1. *Տե՛ս Ալ. Մարգարյան, Գորիսի բարբառը*, Եր., 1975, էջ 3:
2. *Տե՛ս* նույն տեղը:
3. *Տե՛ս Գ. Զառուկյան, Հայ բարբառագիտության ներածություն*, Եր., 1972, էջ 136:
4. *Տե՛ս Ալ. Մարգարյան, նշվ. աշխ.*, էջ 7:
5. *Տե՛ս* Адонц Н., Дионисий Фракийский и армянские толкователи, Петроград, 1925 ст. 187.
6. *Տե՛ս Ալ. Մարգարյան, նշվ. աշխ.*, էջ 23:
7. *Տե՛ս* Առաքելյան Վ., Խաչատրյան Ա., Էլոյան Ս., *Ժամանակակից հայոց լեզու*, հ. 1, Եր., 1979, էջ 54:

Резюме

В статье рассматривается фонологическая система Горисского диалекта. На основе дистинктивных минимальных пар автор доказывает, что в данном диалекте автономным фонологическим значением обладают не только соответствующие фонемы литературного армянского языка, но и палатализованные гласные и согласные.